

30. juli 2019

Inatsisartunut suleriaatsimi § 37 imm. 1 naappertorlugu, Naalackersuisunut apeqquteqaatit uku saqqummiuppakka.

Apeqqutit:

- 1. Naalackersuisut august 2018-imi nalunaarutigaat taamani piniarnermut nakkutilliisut Upernavimmi marluussut, Ilulissani marluk, Sisimiuni ataaseq, Maniitsumi ataaseq, Nuummi marluk aamma ataaseq Ittoqortoormiini. Taamanerniit amerlassutsinik sumilu inissisimanerini allannguisoqarpa?**
- 2. Naalackersuisut maj 2016-imi nalunaarutigaat taamani piniarnermut nakkutilliisut saniatigut pingasunik piniarnermut nakkutilliisunut assistenteqartoq. Piniarnermut nakkutilliisut assistentit ullumikkut atorfillit qassiuppat, aamma sumi inissisimappat?**
- 3. Naalackersuisut §37 najoqqutaralugu apeqqutilliinermi akissuteqaatini nalunaarutigisimavaat piffissami august 2018-imiit marts 2019-imut, Kalaallit Nunaanni Aalisarnermut Akuersissutinik Nakkutilliisoqarfiup (GLFK) nutaamik nakkutilliinissamut aaqqissuussinermi, 2014-imi aalajangerneqarsimasumi, piniarnermut nakkutilliisunik atorfissaqartitsineq nalilerumallugu. Naalackersuisut §37-imut majip 20-ani akissuteqaateqarnermi nalunaarutigaat, sineriammi piniarnermut nakkutilliisusunik naamattunik peqartoqareersoq. Imatut paasivara, iluarsartuullugu pilersaarusi aammalu piniarnermut nakkutilliisunik atorfissaqartitsinermi misissuineq maanna naammassilersimavoq. Tamanna eqqorpa?**
- 4. Najukkani innuttaasut aammalu piniarnermik peqatigiiffiit piniarnermik nakkutilliisunik atorfissaqartitsinermik paasiniaanermi akulerussorneqarsimappat?**
- 5. §37 najoqqutaralugu akissuteqaammi februar 2017-imeersumi takuneqarsinnaavoq, nakkutilliinermik aaqqissusaaneq ukiumi 2014-imi aalajangersorneqartoq taamanerniillu atuutsilerniarlugu suliarineqartuortoq, tunngavigineqarmat piniakkat ulorianartorsiortut, taamaalilluni nakkutilliineq imaalilluni ingerlanneqarmat, unioqqutitsinermi piniakkat ulorianartorsiornerusut annerusumik nakkutigineqarmata aammalu unioqqutitsinermi annertunerpaamik piniakkanut ajoqusiisinnaaneq pineqarluni. Tamanna pissusissamisoorpa**

nakkutilliiffigineqartussap piniagassartai ima sivisutigisumik kisinneqarsimanngippata, allaat piniqqusaanerini ikilisaasoqarsimammatt mianersornerinnarmik tunngaveqalerluni?

6. Naalackersuisut naliliinermini isumaqarpat, Tasiilap eqqaani naammattumik piniarnermi nakkutilliisoqarsinnaasoq piniarnermik nakkutilliisutut atorfeqartoq Ittoqqortoormiini inissisimappat?
7. Piniarnermut nakkutilliisup Ittoqqortoormiiniittoq ukiuni kingullerni marlunni qanoq akulikitsigisumik Tasiilap eqqaani nakkutilliinermik suliaqarsimava?
8. Piniarnermik nakkutilliisut Ittoqqortoormiini inissisimangitsut ukiuni kingullerni marlunni qanoq akulikitsigisumik Tasiilap eqqaani nakkutilliisarsimappat?
9. Ukiumut aningaasartuutaasartut eqqarsaatigalugit qanoq atuinerusoqartigissava piniarnermut nakkutilliisumik ataatsimillu Tasiilami inissiisoqassappat? (Angallatissaata pisiarinissaa aningaasatigullu ingerlannissaa eqqarsaatiginagit)
10. Naalackersuisut august 2018-imi nalunaarutigaa, Kalaallit Nunaanni Aalisarnermut Akuersissutinik Nakkutilliisoqarfiup (GLFK) qulaaluanik angallataateqartoq: Viksund Speed Shark-it sisamat ukiunik 20-inik pisoqaassusillit, Awi Boat 35-fod ataaseq, Eurofisher 23 fod ataaseq, kiisalu angallateeqqat Nuumit-it 19 fod-it pingasut. Taamanerniit allannguisoqarsimava?
11. Ittoqqortoormiini piniarnermik nakkutilliisoq qanoq ittumik angallateqarpa, angallataatalu angalaffigisinnaasaa Tasiilami nakkutilliinissamut naammappa?
12. Naalackersuisut naliliisinnaanerit naapertorlugu, Tasiilami piniarnermut nakkutilliinermut atorneqarsinnaassappat, angallat pisiaralugu qanoq akeqassanersoq ukiumullu ingerlanneqarnissaa qanoq akeqassava?

(Inatsisartuni ilaasorta, Laura Táunâjik, Siumut)

Tunngaviliineq:

Apequtigineqartut §33 naapertorlugu Naalackersuisut peqquneqarnissaannik Inatsisartut aalajangiiffigisassaattut siunnersuummut atugassaapput.